

Gvangjsih Minzcuz Bau

ganhhau: CN45-0036 B.2018 Nd.10 Ng.10 liggaeuq fouhswt nienz ndwengouj co' ngeih

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3344期

Bingzsiengz Si Gaiq Daihngeih Cungh Siuj Hag-seng Yienjgangj Vahcuengh Doxdax Banh Sat 凭祥市第二屆中小學生壯語演講比賽成功舉辦

Vih haeujlaeg gvancez doeksaed gij cingsaenz Cibgouj Daih dangj, angqcoux Gvangjsih Bouxcuengh Swcigih laebbaenz 60 hopbi, caenh-ithouh gvancez doeksaed gij cwngecwz vahsaw minzcuz dangj caeuq guekgya, doicaenh hagsib saw vah guekgya doeng' yungh caeuq saw vah minzcuz vunznoix, doicaenh vwnzva minzcuz haeuj hagdangz, gikfat gij yiedcingz gyoengq cungh siuj hagseng hag yungh Vahcuengh, swnjcienz caeuq hwngfat gij vwnzva conzdungj maenhndei Bouxcuengh. Ndwen 9 ngoenz 30, Bingzsiengz Si gaiq daihngeih cungh siuj hagseng yienjgangj Vahcuengh doxdax youq Bingzsiengz Si Daih' it Cunghyoz banh. Baez doxdax neix youz Bingzsiengz Si Minzyijban,

Bingzsiengz Si Minzcuzgiz caeuq Bingzsiengz Si Gyauyuzgiz lienzhab cawjbanh, youz Bingzsiengz Si Daih' it Cunghyoz ciepbanh, caemhcaiq ndaej daengz Swcigih Minzyijveij haenqrengz haeujcoengh dem.

Baez doxdax neix gungh miz 22 boux senjsouj daj Bingzsiengz gak cungh siuj hagdangz daeuj haenx camgya. Gyoengq senjsouj camgya doxdax haenx cungj yungh Vahcuengh bonjdieg yienjgangj, bouxcujciz yungh Cuengh Gun song vahsaw guh cujci. Mwh doxdax, gyoengq senjsouj yungh Vahcuengh raeuzrwd lwnhgangj gij gojgaeq fatseng youq mbanjranz, hagdangz bonjfaenh, danqhaenh Cungguk Gungcanjdangj hungmbwk——Gaij-

gwz hailangh 40 hopbi daeuj, Bingzsiengz gak cuz beksingq youq Cungguk Gungcanjdangj lingjdauj lajde doxgiet baenaj, haenqrengz buekguh, gvaq hwnj ndwenngoenz ndei, langhbaiz le gij cingsaenz yienghsiengq Bingzsiengz hagseng gak minzcuz gyaenz guekcoj, gyaenz mbanjranz, gyaenz minzcuz.

Doenggvaq baez yienjgangj Vahcuengh doxdax hozdung neix, gikfat gij yiedcingz bouxcoz nyezrauh hag Vahcuengh, fatyienz gij vwnzva conzdungj maenhndei Bouxcuengh, doicaenh vwnzva minzcuz haeuj hagdangz, gyagiengz hwnjguh ndawhag huzndei, coicaenh lai cungj vah huzndei minzcuz doxgiet.

(Vangz Meijcinh Suh Veidauh)

SIUSIK DINJ

简讯

● Ndwen 9 ngoenz 28, Lozcwngz Mulaujcuw Swciyen Vwnzva Gvangjden Sinhvnz Cuzbanj Dijyuzgiz caeuq Dunghmwanz Cin Dangjveij, Cwngfuj lienzhab banh aen vanjvei vwnzyi cawjdaez dwg "angqcoux guekgingq hohfuk guekcoj", vunzlai gak cuz mbanjbya Mulauj doxcomz giz ndeu, ciengqgo diuqfoux, langhbaiz gij cingzciq moq caeuq saeh ndei vunz ndei gajgwz hailangh doxdauj caeuq Swcigih laebbaenz 60 hopbi haenx.

(Mungz Cwnghswh Vuz Haijlinz)

● Ndwen 10 ngoenz 5, Ginhsiu Yauzcuz Swciyen banh "Cungguk Ginhsiu Cazanhyauz 'ciet goengdaek'" baenzdauq hozdung. Ca mbouj geijlai 2000 boux vunzlai Cazanhyauz daj Lozmung Cunh, Ginhdanz Cunh, Sanhhoz Cunh daengj daengx yienh gak yanghcin 17 aen cunhvej daeuj haenx, ndang daenj buhvaq moqsag youq gai yienhsingz cunzyouz, doengzcae hoh fungsou, angqgvaq "ciet goengdaek", langhbaiz gij vwnzva Yauzcuz huzndei baenaj, ronghsag lai yiengh.

(Cinz Haijcingh)

● Bineix doxdauj, Laizbinh Si Hinghbinh Gih Liengzdangz Yangh sonyinx nungzhoh haenqrengz hwngfat daegsaek canjnieb, ndaem duhheu daih'iek 1000 moux. Seizneix, duhheu baenz lo, moix moux song miuz sou ndaej 5000 lai goenggaen, ciuq seizneix hawciengz gyaqbaefat moix goenggaen 4.6 maenz ngaenz suenq, bi moix moux ndaej 2.3 fanh maenz ngaenz, ndaej hawj nungzhoh laisou baenz miz.

(Veiz Yungjmingz)

● Geij bi neix daeuj, Bingzgoj Yen genhciz hopheux "yienh ndeu yiengh ndei" guh faenzcieng, mboujduenh guh hung daegsaek canjnieb, saedyienh gij nungzyez ginghci youq laj ndoeng ciengx gaeq guh cujdauj haenx, daengz bi 2018 ndwen 7, daengx yienh gyoebueng dieg comz youq laj ndoeng ciengx gaeq miz 117 aen, youq laj ndoeng ciengx gaeq bi baenz gai daengz 3500 fanh duz, gyaqcienz dij 12 ik maenz doxhwnj, nungzhoh camgya youq laj ndoeng ciengx gaeq, moix ranz bi bingzyaenz souhaeuj 5 fanh maenz doxhwnj.

(Vangz Ginhsi)



Sanhgyangh: Youzcae Homfwd Yinx Hek Daeuj 三江:油茶飘香迎客来

Ndwen 10 ngoenz 3, Liuicouh Si Sanhgyangh Duncuz Swciyen banh ciet vwnzva youzcae, vunzlai dangdieg yungh gij hingsik guh youzcae, ngaiz youzcae caeuq biujyienj minzsuz, angq gvaq ciet guekgingq, yinx ndaej haujlai bouxhek daeuj yawjgonz daejniemh. Ndaw doz dwg geij boux mehmbwk cingq guh youzcae.
(Vuz Lanyinh/吴练勋)

Hwngfat Minzcuz Daegsaek Canjnieb, Bang Doi Hong Vut Gungz Dieg Gungzhoj Minzcuz

发展民族特色产业, 助推民族贫困地区脱贫工作

Geij bi neix daeuj, Hocouh Si Bingzgei Gih ciuq dieg minzcuz deihleix vanzging, gijndei swhyenz, haenqrengz hwngfat canjnieb caz banggunz. Yungh vwnzva caz guh cawjdaez daiqdoengh minzcuz vwnzva canjnieb banggunz, bangrengz ranzgungzhoj Bingzgei dieg gungzhoj minzcuz laisou vut gungz.

Seizneix, aen gih neix ndaem caz miz 3 fanh lai moux. Vih gyalai vunzlai gungzhoj souhaeuj, aen gih neix yungh cwngfuj cawjdoengh "dap daiz", giyez gaenxmaenx "ciengq heiq", doenggvaq ciu giyez yinx ngaenzcienz, yinxhaeuj aen giyez guh cazndaem

mizmingz. Doenggvaq dajndaem dajcauh hawj vunzlai minzcuz vunznoix camgya daengx aen ginggvaq siugai gyagoeng guh mbawcaz, caemhcaiq hawj vunzlai minzcuz vunznoix moix aen hothoh ndaej ik, cungfaen daiqdoengh gij ginghci hwngfat dieg Dujyauz, bangrengz hong vut gungz gunggeng dieg minzcuz.

Doengzseiz, yungh "vih bouxguhnaz cauh souhaeuj, vih giyez cauh leih' ik, vih deihfueng cauh binjbaiz" guh daeuz. Hableix yungh gij swhyenz daegsaek minzcuz dangdieg, daj doxgaiq——mbawcaz daengz suekbau daengj, laebbaenz aen cehgenh

banggunz, hawj vunzlai minzcuz vunznoix youq bakdou ranz couhnieb. Haifat doxgaiq moq, daj mbawcaz dandog iet daengz laeuj(laeujcaz), Siuqyauz daengj. Doengzseiz, aen gih neix hai doxdax dinfwngz, hawj vunzlai Dujyauz gaenxmaenx camgya, bouxndaejciengj cawz ndaej ciengj le bouxde roxaeuz aenmbanj de youq haenx lij ndaej dinghdan aen hanghmoeg neix dem, yungh diemj daiq sienq doi mienh daeuj dajcauh Dujyauz "mbanj ndeu yiengh ndeu" daegsaek canjnieb, gya' gvangq goekgaen souhaeuj.

(Vangz Ligenh)